

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

Z A K L J U Č A K

**o odbacivanju
Prijave koncentracije privrednog subjekta MGM Farm d.o.o.**

**Sarajevo,
oktobar, 2015. godine**



Broj: 05-26-1-20-4-II/15
Sarajevo, 13. oktobar 2015. godine

Konkurencijsko vijeće Bosne i Hercegovine, na osnovu člana 25. stav (1) tačka e), člana 42. stav (2), a u vezi s članom 12. Zakona o konkurenciji («Službeni glasnik BiH», br. 48/05, 76/07 i 80/09), rješavajući po Prijavi koncentracije privrednog subjekta Proizvodno trgovinsko društvo „MGM Farm“ d.o.o. Kakanj, 311. Lahke brigade bb, 72 240 Kakanj, zaprimljenoj dana 12. juna 2015. godine pod brojem: 05-26-1-20-II/15, na 110. (stodesetoj) sjednici održanoj dana 13. oktobra 2015. godine, donijelo je

Z A K L J U Č A K

1. Odbacuje se Prijava koncentracije privrednog subjekta „Proizvodno trgovinsko društvo „MGM Farm“ d.o.o. Kakanj, 311. Lahke brigade bb, 72 240 Kakanj, radi nepostojanja koncentracije prema odredbama Zakona o konkurenciji.
2. Ovaj Zaključak bit će objavljen u «Službenom glasniku BiH», službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo, dana 12. juna 2015. godine broj: 05-26-1-20-II/15, Prijavu koncentracije (u daljem tekstu: Prijava), privrednog subjekta „Proizvodno trgovinsko društvo „MGM Farm“ d.o.o. Kakanj, 311. Lahke brigade bb, 72 240 Kakanj (u daljem tekstu: Podnosilac prijave ili MGM Farm), podnesenu putem advokata Blagiše Lukića, Atinska 19, 76 300 Bijeljina (punomoć od dana 26. maja 2015. godine), kojom namjerava kupiti ukupno 50,0% dionica privrednog subjekta Društvo sa ograničenom odgovornošću „Vitamedic“ d.o.o. Bjeljina, Majevičkih brigada, kvart 52 broj 1, 76 300 Bijeljina (u daljem tekstu: Vitamedic).

Podnosilac prijave je dostavio dopunu, dana 24. avgusta 2015. godine, podneskom broj: 05-26-1-20-1-II/15.

Nakon kompletiranja Prijave Konkurencijsko vijeće je izdalo Potvrdu o kompletnoj i urednoj Prijavi, u smislu člana 30. stav (3) Zakona o konkurenciji, dana 8. oktobra 2015. godine broj: 05-26-1-20-2-II/15.

Konkurencijsko vijeće u postupku ocjene predmetne transakcije je utvrdilo slijedeće činjenice:

Prijava je podnesena u zakonskom roku, u smislu člana 16. stav (1) Zakona o konkurenciji.

1. Učesnici predmetne transakcije

Učesnici predmetne transakcije su privredni subjekt Proizvodno trgovinsko društvo „MGM Farm“ d.o.o. Kakanj, 311. Lahke brigade bb, 72 240 Kakanj i privredni subjekt „Vitamedic“ d.o.o. Bjeljina, Majevičkih brigada 1, 76 300 Bijeljina.

1.1. Privredni subjekt MGM Farm

Privredni subjekt Proizvodno trgovinsko društvo „MGM Farm“ d.o.o. Kakanj, 311. Lahke brigade 1, 72 240 Kakanj, registrovan je u Općinskom sudu Zenica pod matičnim brojem: 1-7405, sa upisanim kapitalom u novcu od 16.200,00 KM i stvarima 897.000,00 KM, u vlasništvu je fizičkih lica: Goga Edhem ((..)**¹, 72 240 Kakanj), Goga Maida ((..)**, 72 240 Kakanj), Mušija Mensur ((..)**, 72 240 Kakanj), Mušija Elvira ((..)**, 72 240 Kakanj), Mušija Mesud ((..)**, 72 240 Kakanj), Mušija Hanka ((..)**, 72 240 Kakanj).

Osnovna registrovana djelatnost privrednog subjekta MGM Farm je trgovina na veliko lijekovima i farmaceutskim proizvodima.

1.2 Privredni subjekt Vitamedic

Privredni subjekt Društvo sa ograničenom odgovornošću „Vitamedic“ d.o.o. Bjeljina, Majevičkih brigada, kvart 52 broj 1, 76 300 Bjeljina, upisan je u sudski registar u Okružnom privrednom sudu u Bijeljini, pod matičnim brojem: 1-4622, sa osnovnim kapitalom od 31.500,00 KM, sa 100,0% vlasničkog udjela fizičkog lica Slavojke Mitić (LK broj: ((..)**, 76 300 Bjeljina).

Osnovna registrovana djelatnost privrednog subjekta Vitamedic je trgovina na veliko farmaceutskim proizvodima.

Privredni subjekt Vitamedic nema povezanih privrednih društava na tržištu Bosne i Hercegovine.

2. Pravni okvir ocjene transakcije

Konkurencijsko vijeće u postupku ocjene transakcije primijenilo je odredbe Zakona o konkurenciji, te Odluke o načinu podnošenja prijave i kriterija za ocjenu koncentracija privrednih subjekta («Službeni glasnik BiH», broj 34/10).

3. Pravni osnov

Kao pravni osnov transakcije Podnosilac prijave je dostavio Ugovor o prenosu dijela osnivačkog udjela osnivača (u daljem tekstu: Ugovor), zaključen između ovlaštenih zastupnika privrednog subjekta MGM Farma i privrednog subjekta Vitamedic, dana 26. maja 2015. godine, te Aneks Ugovora zaključen dana 21. jula 2015. godine.

Ovim Ugovorom prenosilac udjela fizičko lice Slavojka Mitić, kao jedini osnivač i član privrednog subjekta Vitamedic, prenosi / prodaje dio svog osnivačkog udjela od ukupno 50,0%, što iznosi u osnovnom kapitalu 15.750,00 KM, stičući udjela privrednom subjektu MGM Farm.

4. Ocjena predmetne transakcije

Konkurencijsko vijeće je utvrdilo na osnovu dostavljene dokumentacije da predmetna transakcija ne predstavlja koncentraciju, jer ne ispunjava uslove iz člana 12. stav (1) Zakona o konkurenciji, budući da neće doći do sticanja kontrole ili dominantnog uticaja privrednog subjekta MGM Farm nad privrednim subjektom Vitamedic, odnosno ne radi se o kupovini više od polovine dionica ili polovine osnovnog kapitala, niti ostvarivanja više od polovine

¹ ((..)**- podatci predstavljaju poslovnu tajnu, u smislu članka 39. Zakona o konkurenciji

glasačkih prava ili na bilo koji drugi način, u skladu sa odredbama zakona koje regulišu upravljanje privrednim subjektom.

Na osnovu navedenog, privredni subjekt MGM Farm nije bio u obavezi podnijeti Prijavu, te je Konkurencijsko vijeće odlučilo kao u dispozitivu ovog Zaključka.

5. Administrativna taksa

Podnosilac prijave na ovaj Zaključak, u skladu sa članom 2. tarifni broj 108. tačka d) Odluke o visini administrativnih taksi u vezi sa procesnim radnjama pred Konkurencijskim vijećem («Službeni glasnik BiH», br. 30/06 i 18/11) je dužan platiti administrativnu taksu u iznosu od 1.000,00 KM, u korist Budžeta institucija Bosne i Hercegovine.

6. Pouka o pravnom lijeku

Protiv ovog Zaključka nije dozvoljena žalba.

Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Zaključka.

Predsjednica

mr. Arijana Regoda-Dražić